

4  
OBSERVATIONES  
IN  
PHARMACOPOEAM SUECICAM,

---

QUAS  
VENIA EXPER. ORD. MED. UPSAL.

PRÆSIDE

CAROL. PET.  
THUNBERG,

EQUIE AURAT. REG. ORD. DE VASA,  
MED. DOCT. PROF. MED. ET BOT. REG. ET ORD. ACAD. CÆSAR. PETROPOL. ET  
NAT. CURIOS. REG. SCIENT. LOND. HOLM. SOCIET. SCIENT. UPS. PHILAD. PATR.  
HOLM. ET CIV. OECON. FINL. BEROL. NAT. SCRUT. PARIS. HAFN. ET HALENS.  
HIST. NAT. LUND. HARLEM. AMSTELD. ZELAND. NIDROSIENS. TICINENS.  
IENENS. LINN. LONDIN. PHYS. ET PHYTOGRAPH. GÖTTINGENS. MED.  
MATRITENS. MEDIC. ET NAT. STUDIOS. EDIMBURG. MEMBRO;  
NEC NON ACAD. SCIENT. PARIS. MONSPELIENS. AGRICULT.  
PARIS. MEDIC. LONDIN. SCANDINAV. FLORENTIN. ET  
BATAVIN. IND. OR. CORRESPOND.

PRO GRADU MEDICO

PUBLICÈ PROPONIT

LAURENTIUS PETRUS BERG,

STIP. AHLLÖEV. VESTMANNUS.

IN AUDIT. GUST. MAJ. D. XI DEC. MDCCCII.

H. A. & P. M. S.

---

UPSALIÆ,

Litteris Joh. Fredr. Edman, Reg. Acad. Typogr.



IN  
SACRAM REGIAM MAJESTATEM  
SPECTATÆ FIDEI VIRO,  
AMPLISSIMO ET CÈLEBERRIMO DOMINO  
CAROLO MAGNO  
B L O M,

M. D. ADSESSORI, PROV. DALEK. MEDICO ORDINARIO,  
REG. ACAD. SCIENT. HOLM. ACAD. CÆSAR. NAT. CURIOS.  
ET SOCIETAT. MED. PARIS. MEMBRO,

PATRONO SUO PROPENSISSIMO,

S A C R U M

voluit  
L. P. BERG.



1769

Jam sexennium est, ex quo, auspiciis Cel. D. PRÆSIDIS in lucem prodiit *Disertatio, Observationes in Pharmacopœam Svecicam exhibens*. Materiam Medicam, *Simplicia* vocant, illa perlustravit. Multis locum inter *Præparata & Composita* accommodatiorem designavit, plurima justas ob rationes eliminanda censuit, nova tandem, digna quæ in Pharmacopœam inferantur, attulit. Videretur isto opere res eo perducta, quo venire potuit; attamen, nova quotidie luce Disciplinis affulgente, quas, in hisce rebus dijudicandis, respicere debes, usu quoque atque consuetudine, in remediorum fama stabilienda, multum sibi vindicantibus, deesse non possunt, quæ pro ratione temporum materiæ huic, locupletandæ inserviant. Quæ vero jam, Speciminis loco, non tam exponere quam attingere propositum est mihi, in spem lætissimam adducto, fore, ut L. B. opusculum viribus meis, non rei pondere, metiatur. Ordinem in Disertatione nominata servatum, quo nullus melior, sequar, & primum quidem *Simplicia*, quæ adhuc sunt excludenda, tum vero quæ addenda exhibebo. Postremum alias quoque observationes, ab argumento non alienas, adferre liceat.

## SIMPLICIA ELIMINANDA

E

### REGNO MINERALI.

AURIPIGMENTUM ad Liquorem vini probatorium præparandum adhibetur, quem quidem alia ratione meliorem consequi licet.

A

AU-



- AURUM FOLIAT. vitiationi obnoxium rejiciatur hoc luxus medici proprium.
- PLUMBI oxida in Officinis non parantur, quas itaque illi præcludi jubeatur.

## SIMPLICIA ELIMINANDA

E

## REGNO VEGETABILI.

## RADICES.

- ARISTOLOCHIÆ ROTUNDÆ R. Usus ejus exolevit.
- BRITANNICÆ R. laudes, quibus antea elata fuit, jure amisisse videtur.
- BRYONIÆ R. recens est maxime drastica, nullam vero vel saltim incertam habet vim arefacta.
- CALUMBÆ Radice sine dubio carere possumus, cum & carius venditur & ceteris amaris palmam non præripit.
- CICHOREI Radicem minus necessariam faciunt aliæ radices amaræ.
- ESULÆ R. drastica est, sed longe certiora habemus.
- GENTIANÆ ALBÆ R. aliis efficacioribus remediis superflua redditur.
- IREOS NOSTR. R. arefacta nulla gaudet vi.
- LEVISTICI R. longe infra Rad. *Angelica* est reputanda.
- ONONIDIS R. laudes sibi additas in Hydrocele, Sarcocele cet. non merere videtur.
- POLYGALÆ R. non multum præstat, excludenda igitur censetur.
- POLYPODII Radicem supervacaneam reddit *Glycyrrhizæ* Radix.
- RAPHANI R. bonum sit remedium diæteticum, Pharmacopœam vero minus commode occupat.

SAR-

SARSAPARILLÆ Radice, inefficaci, cara & tam multis adulterationibus obnoxia, facile careamus, præsertim cum locum ejus implere possit *Rad. Saponaria*.

SASSAFRAS R. cortici ejusdem multum cedit.

## CORTICES ET LIGNA.

CINNAMOMI IND. C. minus gratus & efficax quam *Cinnamomum Ceylan.* ex Officinis prescribatur.

EBULI RADICIS C. in oblivione jacet.

GRANAT. FRUCT. C. merito excludatur, præstantiora cum habemus adstringentia.

GUAJACI L. eliminandum non judicemus, nisi Cort. quoque *Guajaci* in Pharmacopœam esset adsumtus, qui quidem ad Decocta multo est aptior.

RHODIUM L. Turis loco tantummodo adhibetur.

VISCI L. nemo jam habebit pro specifico in Epilepsia.

## HERBÆ ET FOLIA.

ABROTANI Herbæ usus medicus obolevit.

ACETOSÆ H. recens ut remedium diæticum æstimetur, siccatione vero omnis vis perit medica.

ARTEMISIÆ H. inter Emmenagoga non referenda videtur.

ASARI Foliorum dosis nondum est definita, nec aliam quam Radix ejusdem possident vim.

BELLADONNÆ Folia recentia Radice sunt infirmiora, arefacta vero tantum non inefficacia.

FUNGUM MELITENSEM aliis adstringentibus non præferendum censemus, præsertim cum magni venditur.

LINARIÆ H. virtutes, quas antiqui illi attribuerunt, desiderare videtur.

PULEGII Herbam *Meniha Piperita* multo minoris æstimanda

dam putamus; hæc itaque in ejus locum substituat.

**RANUNCULI ALBI H.** cum ad Aquam Ranunculi parandam sola adhibetur, quæ nullum in Medicina habet usum, vacare possunt Officinæ.

**SALICARIÆ Folia** Materiam medicam non adgravent, cum præstantiora mucilaginoso-adstringentia non desunt.

**SERPILLI H.** ceteras plantas verticillatas, in Officinam inductas, virtute non æquiparat.

**TUSSILAGINIS Foliorum** vices multo melius implet *Althæa*.

**VERBASCI Folia** præcedentium, digna sunt iudicio.

**VERONICÆ** Herbæ an Medicus quidam adhuc confidat, dubitamus.

#### SUMMITATES ET FLORES.

**ACACIÆ NOSTR.** Flores in Praxi domestica alve infantum ducendo inservient; non vero a Medicis, quantum nos quidem novimus, præscribuntur.

**CENTAURII MIN.** Summitates florentes jure proscribantur, cum Herba *Centaurei* multo sunt infirmiores.

**CHAMOM. ROM.** Floribus, magni pretii remedio, vacare possumus, cum *Chamomillam Nostr.* habemus.

**LILII ALBI CONV.** Flores in Pharmacopoliis fervare operæ non pretium erit.

**VERBASCI Flores** eandem ob rationem eliminantur ac Folia.

#### SEMINA ET FRUCTUS.

**ANETHI Semina** aliam vim quam Semina *Carvi* & *Fœniculi* non possident.

**APII Semina** multis aliis ex ordine umbellatarum feminibus vi sunt inferiora.

**CASSIÆ FISTULÆ Fructus.** Omnes fere nostræ ætatis Pharmacologiæ Scriptores Pulpam fructus hujus condemnant, siquidem & carus & corruptioni adulationeque est obnoxius.

**COCCULI IND.** Fructus locum in Officina non merere videtur.

**CORIANDELI Seminum** usus obsolescere cœpit.

**CUCUMERIS ASIN.** Fructu non opus est Pharmacopoliis, cum jam cecidisse videtur Elaterii estimatio.

**CYMINI Semina** affinium Seminibus non sunt præponenda, **EBULI Baccæ** nihil habent præ Baccis *Sambuci*.

**FRAGA** (Fructus recentes) extra Pharmacologiæ limites posita videntur, aqua vero inde destillata sola est cosmetica.

**HYOSCYAMI Semina** jam nullus Medicorum suffimenti loco in Odontalgia commendabit; oleum vero expressum non plus valet quam cetera Olea pingua.

**MEZEREI Baccarum** usus, periculo plenus, merito desuevit.

**ORYZÆ grana** potius ad culinam quam officinam sunt referenda.

**PASSULÆ MINORES** Mercatoribus relinquendæ videntur.

**PASTINACÆ Semina** supra cetera ejusdem ordinis semina non sunt æstimanda.

**PETROSELINI Semina** multis aliis Diureticis cedunt.

**PIPERE ALBO** ut infirmiori quam *Pipere nigro* careamus.

**RICINI Semina** Oleo exprimendo inserviunt. Quod si cetera Olea pingua vi superaret, qua de re multum fuit disputatum \*), usus tamen ejus apud nos est tam rarus quam incertus.

SPI-

---

\*) Disfidentes forsitan reconciliari possunt, alter cum altero, si in memoriam revocamus, quod illis in officinis ante expressionem Olei semina epidermide liberantur, in his vero non: vis nempe purgans residet in principio acri epidermidis.

SPINÆ CERVINÆ Baccæ saporis sunt ingrati & tormina  
stintque gravem facile movent.

STAPHISAGRIÆ Seminum usus tam exiguus est, ut o-  
mnino Materia Medica secludantur.

VANILLÆ Siliquæ cum solum ad Chocolatam præpa-  
randam adhibeantur, Pharmacopœa emigrare  
possunt.

### SUCCI SPISSATI.

ALOË SOCOTRINA. Ejus loco inferatur Aloë lucida ob ra-  
tiones infra allatas.

ALOË CABALLINA, impura Aloës. specie, carere possumus.

SPINÆ CERVINÆ Succum spissatum jamdudum exoletum  
credimus.

### RESINÆ ET GUMMI-RESINÆ.

EUPHORBII Gummi-resina, pro vi sua maxime irritanti,  
rarissime usurpari potest.

LADANI Resinæ usus consenuit.

OPOPANAX, Gummi-resina, longe est infirmior *Gum-  
mi Ammoniaco.*

PIX BURGUNDICA Emplastris olim admixta fuit.

SANGUIS DRACONIS nullam adfert in Medicina utilitatem.

## SIMPLICIA ELIMINANDA

### E

## REGNO ANIMALI.

BILI URSINÆ SPISSATÆ non alia inest vis quam Bili  
bubulæ spissatæ.

COCCINELLA jam solum ad tingenda liquida adhibetur, cui  
fini multa alia minus cara inserviant.

MEL NARBONENSE qua re *Melli Succico* bonæ indolis  
antecellat non perspiciamus.

CORALLIUM RUBRUM,  
LAPIDES & CHELAS CANCRORUM,  
OS SEPIÆ &  
OSTREARUM TESTAS, quæ impuram continent terram cal-  
caream, eliminare religioni non habemus.

## SIMPLICIA ADDENDA.

## BISMUTHUM.

Cum testimoniis multorum nostri temporis Medico-  
rum magnam adferat utilitatem Oxidum Bismuthi in Ga-  
strodynia & Cardialgia pertinaci atque interdum etiam in  
Hysteria, Materiam Medicam hocce Metallo esse locu-  
pletandam, statuere non dubitamus. In usu Oxidi hujus  
teneatur, quod initio solum detur granum unum, sensim  
verò deinde ad grana 6 vel 12 ascendas.

## LIGNI MAHAGONI CORTEX.

Corticem hunc *Swietenia Mahagoni* debemus, arbo-  
ri, quæ Americæ Australi & in primis Insulis Carai-  
bicis est indigena. Europæ advectus constat planis, ca-  
naliculatis fragmentis, pedem fere longis, extus epider-  
mide spongiosa obductis, intus vero colore fusco & la-  
mellosa tenacique textura, sapore adstringenti atque ita  
amaro, ut Kinkinæ amaritiam fere superet. Quæ in A-  
merica & Anglia facta sunt pericula vim ejus in Febrî-  
bus intermittentibus Kinkinæ æqualem demonstrarunt.  
Quod in lætam spem nos inducit, in aliis morbis idem  
illum esse præstiturum atque Kinkinam, qua multo vilius  
emittitur. Datur a Scrupulo ad Drachmam pluries de die.

## ILICIS AQUIFOLII FOLIA.

Folia Fruticis hujus, quæ in Europa Australi, passim  
etiam in Germania, copiosius vero in America septentri-  
nali viget, sunt ovata, acuminata, mucrone parvo ad a-  
picem

picem instructa, nitentia, obscure viridia & sicca, ad instar corii, odore nullo, sapore vero mucilaginosi atque amaro-adstringentis quid prodente. In Vestphalia diu in Praxi domestica contra Arthritidem adhibita jam quoque a Medicis, in primis a Cel. FRITZE, eodem nomine commendantur. Nec in Febribus intermittentibus, Colica & Debili ventriculo contemnenda feruntur. Infusi vel, quod melius, Decocti forma adhibentur usque ad Unciam.

### FOENICULI AQUATICI SEMINA.

Quæ *Phellandrii Aquatici* Semina eam sibi pepererunt existimationem, ut hic silentio non sint prætermittenda. Sunt ovalia, fulcata, luteo-viridia, 2 lineas longa & supra dimidiam lineam lata, odore aromatico, sapore vero acri. Magnum sæpissime levamen, quid quod, sanationem in Hysteria, Hypochondriasi, Phthisi & Febribus intermittentibus præstiterunt. Cel. RICHTER & alii non pauci vim eorum in ulceribus laude quoque extollunt. Datur Scrupulus unus vel duo pluries de die. Potius tamen minori dosi incipias; majori enim ebrietatem quandam atque vertiginem creant.

### QUERCUS GLANDES.

Nemini mirum videbitur, quod hosce *Quercus Roboris* Fructus hic quoque adferamus. Frequentem eorum, nunc temporis, usum, utilitatem dicam, in omnibus cum infirmitate corporis conjunctis morbis, Materiam Medicam illis diutius carere non permittere, censemus. Modum, quo adhibentur, perbene cognitum suspiramus.

### ALOË LUCIDA.

Quum hæc perfecte æquiparet *Aloën socotrinam*, multo vero minoris ematur, inter additamenta illa quoque referenda videtur.

## HIRUDO MEDICA.

Non opus est de usu animalculi hujus disferere. Multis quidem in Officinis servatur; sunt tamen adhuc, quæ illud desiderant. Optandum itaque, ut in Pharmacopœam inferatur, cum sit summe necessarium.

## AXUNGIA PEDUM TAURI.

Omni attentione digna videtur hæcce axungia, cum totum per annum a rancedine libera servari possit atque forma fluida semper gaudeat. Hinc optimam facit basin Unguentorum ad oculos præscriptorum. Cel. BELL. vehementer eam quoque laudat contra rigiditatem membrorum; nec silentio prætereundum, quod partibus exulceratis levamen adferret, cum aliæ pinguedines nimis forsan illas irritarent.

Ut Pharmacologiæ Therapeuticiæ hodierno statui convenire fas est Pharmacopœam nostram, ita etiam, quos Pharmacologia Historica fecerit progressus, sibi vindicet. Jam vero nonnulla, quæ Pharmacopœa adfert in definiendis Vegetabilibus, quibus Simplicia debentur, omnino falsa sunt; in aliis partim certa pro dubiis, partim dubia pro certis ponit, & denique collectioni Simplicium nimis angustos statuit limites, cum plures ejusdem generis plantas ad medicamina æque bona proficere constet. Quæ hac in re sint observanda, paucis demonstrare juvabit.

*Aconiti Herbam* sumi debere ex *Aconito Cammaro* Pharmacopœa jubet; jam vero expertum est, omnes *Aconiti* species flore cæruleo gaudentes, eandem habere vim. Adhiberi itaque possunt *Aconitum Napellus*, *Neomontanum*, *Tauricum* & *Cammarum*.

*Canella alba* ne cum *cortice Vinterano* confundatur, *Cacella alba* MURR. adscribi debet.

*Cascarilla Corticem* non desumi a *Crotone*. *Cascarilla*

B

L.



L. Cel. WRIGHT demonstravit. Cortex enim hujus in Officinis servato dissimilis est. Quem *Clusia Eluteria* L. adsignat, & cum planta hæc ad genus *Croton* sit referenda, *Croton Eluteria* merito habeatur Corticis nostri matrix.

*Cina Summitates*, minus recte in Pharmacopœa dictæ Semina, non solum decerpuntur ex *Artemisia Contra* sed etiam ex *Artemisia Judaica* & *Santonica*.

*Gambogiæ Succum* falso attribui *Gambogiæ Gutta*, cum *Guttaferæ veræ* est proles, constat.

*Falappæ Radicem* non *Mirabili dichotomæ* sed *Convulvulo Falappæ* esse adjudicandam, jam argumentis probatum est certissimis, & novissime a Cel. HOUSTOUN & MENONVILLE.

*Ipecacuanhæ Radicem* an *Psychotriæ emeticæ* acceptam referamus, in dubium vocari potest.

*Mannam* non solum e *Fraxino Orno* sed etiam, & quidem maximam ad partem, e *Fraxino rotundifolio* exstillare, jamdudum compertum est.

*Pechurim Fabæ* an *Lauri* speciei adscribenda incertum, nam *Laurus* non habet fructum dispermum.

*Rhabarbari Radicem* a *Rheo palmato* nobis esse donatam, diu pro certo habitum fuit; jam vero Dom. SIEVERS validis comprobavit rationibus, veram Radicis hujus originem adhuc esse incognitam. V. die neue Nordische Beyträge 7. B. p. 368.

*Sabadilla Semina* quod a *Veratro Sabadilla* sumuntur annon indubitatum?

*Saleb Radicem* plures Orchides porrigunt: nempe *O. Morio, mascula, militaris* & *latifolia*.

*Salicis Corticem* sumere quoque possumus a *Salice pentandra, alba, vitellina* & *capræ*.

*Tragacanthæ Gummi* non *Astragalo Tragacanthæ* sed *A. Cretico* esse adsignandum, jam certissimis evictum est testimoniis.

Mul-

Multi Pharmacopœæ nostræ Simplicia ejusmodi sunt, ut singularem, si vim optatam præstiterint, in eis colligendis conservandisque, curam adhibere debeat Pharmacopola. Regulas quasdam, hoc nomine servandas, si adpositas haberet iuas cuique Simplici Pharmacopœa, finem suum propius forsân attingeret. Nostro quidem iudicio sequentia hac in re sunt observanda.

*Alihæa Folia* tempore vernali adhuc tenerrima sunt colligenda.

*Ari Radix*, nisi spem nostram fallat, magnam requirit curam. Optime forsân egeris, si arena obrutam in cella conservaveris, quo eam tantum portionem ficcare liceat, quam usus, breve per tempus, postulare videtur.

*Caryophyllata Radix*, tres saltim annos nata, primo vere locis altioribus effossa, filamentis libera, conscissa, in loco umbroso, flatui aëris pervio, ficcari debet; postea vero cribro imposita, in fornace calida perfecte indurescat, in pulverem comminatur atque vase vitreo probe servetur.

*Conii Herbâ* in calore modico fornacis arefacta, statim fiat pulvis adcurate conservandus.

*Digitalis Herba* ante efflorescentiam collecta sollicitè ficcari atque servari debet. Sponte enatæ palmam quoque deferre videtur in hortis culta.

*Dulcamara Stipitum* illi tantum sunt colligendi, qui anno proxime præcedente egerminarunt.

*Fraxini Corticem* sumere debes ex trunco vel ramis senioribus.

*Hellebori nigri Radicis Fibræ* tantummodo in pulverem terantur & iusto modo adserventur.

*Salicis Cortex* ex ramulis eodem anno enatis est delibrandus.

*Valeriana Radicem* plantæ locis siccis crescentes Officinis suppeditent.

Tan-

Tandem ad unamquamque Vegetabilium prolem, usui medico destinatum, accuratius indicare oportuit Pharmacopœam, an recens adhiberi debeat. Quo nomine adferenda: *Herba Aconiti*, *Rad. Allii*, *Folia Betulae*, *Rad. Cerae*, *Herba Cerefolii*, *Herba Conii*, *Herba Fumariae*, *Folia Hyoscyami*, *Herba Hysopii*, *Folia Laurocerasi*, *Herba Menthae crispae & Piperitidis*, *Bacca Myrtilli*, *Radices Populi*, *Rad. Taraxaci & Folia Stramonii*. Quibus omnibus vocabulum recens adponatur.

